

2020-mi akileraarutitigut naligiissaanissaq aamma kommuninut ataatsimut akileraarutip agguataarneqarnissaa pillugit Namminersorlutik Oqartussat nalunaarutaat

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, kingullermik Inatsisartut inatsisaatigut nr. 11, 1. juni 2017-imeersukkut allanngortinneqartumi § 41 aamma § 42, imm. 2 naapertorlugit aalajangersarneqarput:

§ 1. Kommunini inummut ataatsimut agguaqatigiissitanik akileraarutitigut isertitat assigiinngissutaasa naligiissarneqarnissaannut aammalu kommuninut ataatsimut akileraarutip agguataarneqarnissaanut kommunit ataani taaneqartut 2020-mi tapiissuteqarfigineqassapput:

- 1) Kommune Kujalleq: kr. 117.524.000.
- 2) Kommuneqarfik Sermersooq: kr. 41.220.000.
- 3) Qeqqata Kommunia: kr. 110.405.000.
- 4) Avannaata Kommunia: kr. 186.900.000.
- 5) Kommune Qeqertalik: kr. 146.842.000.

Imm. 2. Tapiissutit landskarsimiit akilernerqartassapput qaammatini tamani 1/12-imik qaammatinut ataasiakkaanut tapiissutinut agguagassanut tapertaliullugit.

§ 2. 2018-imi kommuninut ataatsimut akileraarummit agguataagassaapput kr. 555.000.000 kiisalu iluarsissutit, takuuk imm. 3, ukiuni 1987-imit 2015 ilanngullugu kr. -2.603.000, 2016-imit kr. -2.797.000, 2017-imit kr. 24.330.000, 2018-imiillu kr. 28.961.000, katillugit kr. 602.891.000.

Imm. 2. Kommuninut ataatsimut akileraarut nuna tamakkerlugu akileraarutip akilersorneqartarneratut Nunatta Karsimut akilersorneqartassaaq.

Imm. 3. Kommuninut ataatsimut akileraarummit isertitat imm. 1-imi kisitsimmit aalajangerneqarsimasumit allaaneruppata nikingassut ukiumi tulliuttumi kommuninut ataatsimut akileraarutip agguataarneqarnerani iluarsissutigineqassaaq.

§ 3. Nalunaarut 1. januar 2020-mi atuutilerpoq.

Vittus Qujaukitsoq

/

Nikolai S. Christensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut